

समे – 12:25 hrs.

<><><><><><>

एह आकाशवाणी जम्मू ऐ, हुन तुस श्रुति खजुरिया कोला खबरां सुनो।

PM-Zero Tolerance

प्रधानमंत्री ते भारतीय जनता पार्टी दे वरिष्ठ नेता नरेंद्र मोदी होरें आखेआ ऐ जे राष्ट्रीय जनतांत्रिक गठबंधन सरकार दा मकसद भ्रष्टाचार गी दना बर्दाश्त नेई करना ऐ। उनें आखेआ जे सरकार सबूतें पर आधारित कार्रवाई पक्की करदी ऐ ना गै कुसै धारणा पर। इक समाचार एजेंसी गी दिते गेदे इंटरव्यू च प्रधानमंत्री होरें आखेआ जे जिसलै बड़े अपराधी पकड़े जा'रदे न ते निक्के स्वार्थे पर सवाल पुट्टे जा रदे न। श्री मोदी होरें आखेआ जे उनें म्हेशा इक नीति दे तैहत शासन करने पर ध्यान दित्ता ऐ। उनें जोर देइए आखेआ जे उंदी सरकार दा हर फैसला देश गी सब्बनें शा उप्पर रक्खियै लैता जंदा ऐ। प्रधानमंत्री होरें आखेआ जे आत्मनिर्भर भारत दी सोच कन्नै सरकार दा मकसद देश दे हुनर गी उभारना ते रोजगार दे नमें मौके पैदा करना ऐ। उनें नमी पीढ़ी दी आसां समझने ते उनेंगी पूरा करने आस्तै जरूरी मंच उपलब्ध कराने पर जोर दित्ता।

<><><><><><>

7th Phase

लोकसभा चुनां दे 7में ते खीरी गेढ़ लेई चुनांs प्रचार होर तेज होई गेदा ऐ ते सब्बै पार्टियां मते शा मते लोकें गी अपने पक्खै च करने लेई अपनी पूरी टिल्ल ला करदे न। इस गेड़ तैहत 8 राज्यें ते केंद्र शासित प्रदेशें च फैली दिएं कुल 57 लोकसभा सीटें लेई मतदान पैहली जून गी होग। इंदे च पंजाब ते उत्तर प्रदेश दियां 13-13, पच्छिम बंगाल दियां 9, बिहार दियां 8, ओडिशा दियां 6, हिमाचल प्रदेश दियां 4, झारखंड दियां 3 ते केंद्र शासित प्रदेश चंडीगढ़ दी 1 सीट शामिल ऐ।

<><><><><><>

Div-Com Review

जम्मू दे डिविजनल कमिशनर कमेश कुमार होरें हर इक जिले च बिजली ते पानी सप्लाई सरबंधी शकैतें दे नबेड़े आस्तै नोडल अफसर तैनात करने लेई हिदायत कीती ऐ। जम्मू खिते च पानी, बिजली ते सिंचाई सप्लाई दा जायजा लेंदे होई डिवकाम होरें चीफ इंजीनियर्स गी हिदायत कीती ऐ जे ओह पाइपें दी मरम्मत, पीएचई मोटरें गी बदलने ते खराब ट्रांसफार्मर ठीक करने ते उनेंगी बदलने लेई अपने अमले ते मशीनें गी तयार रक्खन। उनें इनें सेवाएं लेई एक्सईएन ते जे.ई गी जवाबदेह बनाने लेई आखेआ। डिप्टी कमिशनरें गी हिदायत कीती गेई जे ओह बिजली ते पानी सप्लाई सरबंधी कुसै बी समस्या कन्नै निब्बड़ने आले कम्में दी आपूं निगरानी करन ते जेकर कोई समस्या हुंदी ऐ तां फी तोले थवां तोले ओहदा नबेड़ा करन।

<><><><><><>

Rajouri-Fire

राजौरी जिले दे बाथुनी ग्रां दे जंगलें च अग्ग लग्गने करी बड़ा मता नुकसान होआ ऐ। अग्ग पर काबू पाने लेई अभियान चलाया गेआ। आकाशवाणी जम्मू संवाददाता दी रिपोर्ट मुजब अग्ग ऐतवारें जंगल च लग्गी ते तेजिया कन्नै फैली गई। इस अग्ग दी चपेट च केई एकड़ जमीन आई गई। जंगलात मैहकमा ते जंगलें दी राखी हिफाजत करने आले बल नै अग्ग स्हालने आलें दी सेवा बी लैती। इस करी जंगलें गी बड़ा मता नुकसान पुज्जा ऐ। अग्ग दे कारणें दा पता लाने लेई जांच शुरू करी दितती गई ऐ। सोमवारें बड्डलै अगग् इलगोरा च सेना दे इदारे कश बी पुज्जी पर एहदे पर समें रौहंदे काबू पाई लैता गेआ।

<><><><><><>

JU-Green

पर्यावरण प्रति जागरूकता पैदा करने ते इस भेठा जत्नें गी बढ़ावा देने दे मकसद कन्नै जम्मू यूनिवर्सिटी आस्सेआ कल केई जत्नें दी शुरूआत कीती गई। इसदा सरिस्ता ग्रीन कैंपस टास्क फोर्स ते इंवायरनमेंटल साइंसेस मैहकमे नै कीता। इस दौरान ई-गड्डिं कचरे थवां चीजां बनाना, प्लास्टिक दे इस्तेमाल कन्नै वर्टिकल गार्डन दा निर्माण जनेह् कम्मै दी शुरूआत होई। यूनिवर्सिटी दे वाइस चांसलर प्रो. उमेश राय होरें ग्रीन टास्क रिपोर्ट जारी कीती। राय होरें सब्बनें गी उंदे जत्नें लेई सराहना कीती।

<><><><><><>

IMD-Monsoon

मौसम विभाग नै पेशनगोई कीती ऐ जे मुख्य च इस बरे बरसांती दौरान सामान्य थवां मती बरखा पौग। विभाग दे महानिदेशक डॉ. मृत्युंजय मोहपात्रा होरें गलाया ऐ जे अगले 5 दिनें च केरल ते उत्तरी पूर्वी हिस्सें च मानसून दी शुरूआत आस्तै स्थिति अनुकूल ऐ।

<><><><><><><><>

Jammu Heat Wave

जम्मू च गर्मी दा प्रकोप बरोबर जारी ऐ। मौसम विभाग मुजब जम्मू च दिनें दा तापमान 43 डिग्री सैल्यिस दे कोलकाल रवा रदा ऐ। जम्मू च कल दिनें दा बद्दोबद्द तापमान 42 अशारिया 8 डिग्री सैल्यिस ते घट्टोघट्ट तापमान 24 अशारिया 7 डिग्री सैल्यिस दर्ज कीता गेआ। आकाशवाणी जम्मू संवाददाता दी रिपोर्ट मुजब गर्मी आले इस मौसम करी लोकें गी खासी परेशानी पेश आवा करदी ऐ। मौसम विभाग नै बी लोकें गी अपील कीती ऐ जे ओह बड़ी मती तेज गर्मी गी दिखदे होई घरें दे अंदर गै रौहन ते गर्मी च बाहर नेई निकलन। खूब पानी पीन, बाहर निकलदे मौके अपने सिर गी सिद्दी धुप्प पौने सवां बचान। करसाने गी बी सलाह दिती गेई ऐ जे ओह बी दपैहरी धुप्पे खेतरें च कम्म नेई करन। ओह अपने कम्म बड्डले जां फी संझा लै करन ते धुप्प थवां बचा रक्खन।

<><><><><><><><>

Menstrual-hygeing Day

अज्ज मैन्डुअल हाइजीन डे यानि माहवारी सरबंधी साफ-सफाई बारे जागरूकता फैलाने आला दिन ऐ। पूरी दुनिया च एह दिन माहवारी कन्नै जुड़ी दी पुरानी भ्रांतियां ते गलत सोच गी

खत्म करिये सारें तोड़ी माहवारी दौरान साफ-सफाई सरबंधी सहूलतां उपलब्ध कराना ऐ। इस साल दा विषय ऐ “Period friendly world” जेदे हेठ सारें दी कट्ठी कोशशें कन्नै सारी महिलाएं तोड़ी माहवारी प्रबंधन आस्तै संसाधन उपलब्ध करवाने दा लक्ष्य ऐ। भारत च बी सरकार नै माहवारी सरबंधी साफ-सफाई दी जरूरत पर जोर पांदे होई योजनां शुरू कीतियां न। स्वास्थ्य ते परिवार कल्याण मंत्रालय नै किशोरावस्था आली कुड़िएं आस्तै इक खास योजना शुरू कीती दी ऐ जेदे हेठ उनेंगी माहवारी कन्नै जुड़ी दी साफ-सफाई बारे जागरूक कीता जंदा ऐ।

<><><><><><>

AIFF-Women

अखिल भारतीय फुटबॉल महासंघ AIFF नै उज्बेकिस्तान खलाफ आँदे 2 अंतराश्ट्रीय मैचें आस्तै 23 सदस्यीय भारतीय सीनियर महिला टीम दी घोषणा कीती ऐ। टीम च त्रै गोल कीपर, 8 डिफेंडर, 8 मिड फील्डर्स ते 4 फावर्ड शामिल न। साबका राश्ट्रीय खडारी लेंगम चाओबा देवी मुख्क कोच होग। ब्लू टाइग्रेसिस अपना पैहला मैच शुक्रवार उज्बेकिस्तान खलाफ खेड्डन जिसले कि दुआ मैच 4 जून गी होग।

<><><><><><>

Read by: ShShruti Khajuria

Composed : Varinder Sharma

M.T.S.: Tarsem Lal

Editor : N. Gulshan Raina